

S. D. N.

am

*Dn. Urbani divina providentia
Pape VIII.*


SVPPRESSIO

Prætensæ Congregationis Iesui-
tissarum.

R O M Æ

Ex Typographia Reu. Camerae Apostolicæ.

M. DC. XXXII.



M. DC. XXXVI.

S. D. N.

Dr. Urbanus divina providentia
Papa XIII.

SVPPRESSIO

Isai. 27.

Mulieres venientes & docentes eos: Non est enim populus sapiens.

R O M A

Ex Typographia Reu. Camerae Apostolicae.

M. DC. XXVII.



M. DC. XXXVI.





VRBANVS

EPISCOPVS SERVVS SER-
vorum DEI ad perpetuam rei me-
moriã, &c.



ASTORALIS Romani Pontificis, cui cura
Vinea Domini Sabaoth ineffabili superni Pa-
trisfamilias providentia concedita est: digno-
citur, Sollicitudo in id præcipue incumbit, ne
in agrum Dominium operarij sine delectu te-
merè se ingerant, sata dissipent, consita euel-
lant, zizania inferant, & adulterinas in eo plan-
tas super inducant. Licet autem orthodoxis
Lateranensis & Lugdunensis Conciliorum generalium ordinationi-
bus districte prohibitum esset, ne quis novæ Religionis instituendæ
Auctoritatem sibi arrogare præsumeret, pariterque f. l. r. c. Joannis
XXII. virorum, & præ mem. Clementis V. Romanorum Pontifi-
cum, Prædecessorum nostrorum, Salutaribus Constitutionibus mu-
lierum cæcus Auctoritate priuatâ, & de facto instituti, tanquam exi-
tiosi palmites, damnati & sublati fuissent, & nihilominus (prout non
sine graui animi nostri molestiâ acceperamus) in nonnullis Italiae &
Ultramontanis partibus, certæ mulieres seu Virgines Jesuitarum
nomine assumpto, citra vllam Sedis Apostolicæ approbationem ab
aliquot annis in vnum venire solitæ, vitæ Religiosæ ducendæ prætex-
tu peculiarem, & distinctum à cæteris habitum vsurpassent, ædificia
in Collegiorum formam rede gissent, domos probationum erexissent,
in eisq; superiorem, ac prætensæ Congregationis suæ Generalem
indito Præpositæ titulo, & attributi facultatibus bene visis constituif-
sent,

sent, in illiusque manibus, Paupertatis, Castitatis & Obedientiae vota, ad instar solemnium emittere, clausuraeque legibus non adstrictae, prohibitu diuagari, ac specie salutis animarum promouendae, aliaque opera permulta sexus & ingenij imbecillitati & modestiae muliebri, ac virginali praesertim pudori minime conuenientia, & quae viri sacrarum litterarum scientia, rerum usu, vitaeque Innocentia spectatissimi difficile admodum, & non nisi magna circumspectione adhibita aggrediuntur, attentare, & exercere consueuissent. Nos ex crescentes in agro militantis Ecclesiae vepres mature euellere satagantes, venerabili Fratri Aloysio Episcopo Tricariensi, nostro & Apostolicae Sedis in partibus inferioris Germaniae Nuncio, & nonnullis locorum Ordinariis dedimus in mandatis, quatenus propositis grauibus periculis, & scandalis exinde resultantibus, mulieres, ceu Virgines praefatas ex parte nostra Apostolica serio monitas a temerario incepto, ad saniora consilia reuocare conarentur, verum quia illae DE I timore, ac nostro & Sedis Apostolicae respectu posthabito in graue animarum suarum praerudicium, & bonorum omnium offensionem, arroganti contumacia, paternis & salutaribus monitionibus nostris nedum paruerunt, sed etiam indies similia attentare, ac multa sanae doctrinae aduersantia proferre non erubescunt: Nos tantam temeritatem acriori Censura coercendam, & plantas istas Ecclesiae Dei noxias, ne vltius se diffundant, radicibus euellendas & extirpandas esse decreuimus. Habita itaque cum Venerabilibus Fratribus nostris. S. R. E. Cardinalibus aduersus haereticam prauitatem generalibus Inquisitoribus, ab eadem Sede specialiter deputatis, matura consultatione, de illorum vnanimi consilio & assensu, Conciliorum praefatorum decretis, eorundemque Praedecessorum nostrorum vestigiis inhaerentes praetensam Congregationem mulierum, seu Virginum Jesuitissarum nuncupatarum, illarumque Sectam, & statum abortus sui primordio nullos & inualidos, nulliusque roboris vel momenti fuisse & esse, Apostolica Auctoritate, tenore praesentium decernimus, & declaramus. Et quia de facto processerunt, eadem Auctoritate, & penitus supprimimus omnino & extinguimus, perpetuaeque abolitioni subiicimus, & ab Ecclesia DEI sacrosancta funditus tollimus, delemus, & abrogamus, ac pro suppressis, extinctis, euulsis, deletis, & abolitis ab omnibus Christi fidelibus haberi, & reputari volumus, & mandamus, nec mulieres & Virgines huiusmodi ad votorum praefatorum obseruationem vlllo modo teneri, aut obligari volumus. Insuper assertas visitatrices, Rectrices, & Praepositam Generalem, ac alias quascunque Congregationis, & Sectae huius-

huiusmodi officiales, quocunq; nomine appellatas, officiis & muneribus suis de facto usurpatis, omnino priuatas esse, & fore decernimus, pariter & declaramus, & quatenus opus sit, priuamus, illas que ab eisdem officiis, & muneribus omnino amouemus, easque omnes, & singulas mulieres, seu Virgines, quæ voti, seu vniuseunque alterius vinculi promissionis, vel cuiusvis causæ prætextu ad aliquam Obedientiam se obligatas putarent, ab ea, & quocunque vinculo, & promissione huiusmodi, etiam ratâ, & iuratâ absoluimus, & totaliter liberamus. Ad hæc mulieribus seu Virginibus, & assertis earum superioribus, præfatis, & quocunque alio nomine nuncupatis, in virtute Sanctæ Obedientię, ac sub Excommunicationis maioris pœna ipso facto incurrenda, à qua non nisi à nobis seu Romano Pontifice pro tempore existente, præterquam in mortis articulo constitutæ absolui possint, præcipimus, & mandamus, vt extra huiusmodi Collegia & domos, vbi hæctenus habitauerunt, aliæ ab aliis seorsim degant, nec insimul ad aliquod spirituale, & temporale consultandum, seu peragendum, aut de eo quouis modo tractandum conueniant, susceptum per eas de facto, vt præfertur, habitum statim deponant, nec illum amplius reassumant, minusque alias Virgines, seu mulieres ad illum admittant, vel recipiant, nec vlli earum ad hoc consilium, auxilium, vel fauorem, directè, aut aliàs quomodolibet præstent, vel pro Religiosis seu prætensæ Congregationis, aut Sectæ huiusmodi sequacibus vlllo modo se gerant, mulieres etiam ac Virgines, quæ eo animo vota, licet de facto, vt præfertur, emisserint, vt in illo statu ab Apostolica sede reprobato, ea emissuræ non fuissent, vt pote conditione, sub qua tacite vouerunt, non impleta à votorum huiusmodi obligatione omnino solutas, & liberas esse declaramus. Quæ autem in quacunque euentum vouere voluerunt, cum earum vota sint singelicia, honeste viuere, seorsum tamen ab aliis huius reprobati Status ac prætensæ Congregationis, seu Sectæ, & ab omnibus supra prohibitis abstinentes in sæculo, poterunt sub Ordinarij Obedientia, & cum vsu non dominio bonorum, sed tantum cum facultate, quam illis misericorditer concedimus, de illis in vita & in morte, ad vsus pios digerendi ab intestato etiam ad eos deuoluendi, qui Paupertatis voto ab his mulieribus non emisso, illis successuri fuissent. Et in euentum, in quem aliqua ex mulieribus seu Virginibus præfatis, ad conjugalem statum transire voluerint, eis permittimus, vt Matrimonium, seruatis alias seruandis contrahere possint, eisque Apostolicam Benedictionem, & quatenus opus sit, cum omnium votorum de facto, vt præfertur, emissorum relaxatione imper-

impertimur. Quoniam vero secundum Apostolum, qui matrimonio iungit Virginem suam, benefacit, & qui non iungit, melius facit, easdem mulieres & Virgines per viscera misericordiae Christi, quo possumus, paterno charitatis affectu monemus, & in Domino hortamur at-
tente, ut desiderij, quod se Regularis vitae ducendae teneri ostenderunt, memores, tollant iugum Domini super se, & abnegantes semetipsas, & saecularia desideria, approbatum, ab eadem sancta Sede aliquem Sandimonialium Ordinem quantocitius ingrediantur, inibiq; ae fideli, & pia promissione, vota voueant DEO JACOB, & innocentes manibus & mundo corde, in assiduo spiritualium operum exercitio superaedificantes, exhibeant se illustriorem gregis Christi portionem, lampadesq; suas flamma Charitatis succensas prudenter aptent sponso Caelesti obuiam iturae, Decernentes praesentes litteras, omniaq; & singula in eis contenta etiam ex eo, quod praesentis Congregationis vel Sectae mulieres aut Virgines huiusmodi, vel alij quicumq; in praemissis seu eorum aliquo interesse habentes, seu habere quomodolibet praetendentes, eis nullatenus consenserint, nec ad ea vocatae, & audita, seu vocati & auditi, minusq; causae, propter quas eadem praesentes emanarint, adductae verificatae, seu alias sufficienter, aut etiam nullatenus iustificatae fuerint, nullo unquam tempore de subreptionis, obreptionis, Nullitatis vitio, seu intentionis nostrae, aut alio quovis defectu, etiam quantumvis magno, inexcogitato & substantiali, siue etiam ex eo quod in praemissis, seu eorum aliquo solemnitates, & quaevis alia seruanda & adimplenda, seruata, & adimpleta non fuerint, aut ex quovis alio Capite a Jure, vel facto aut statuto vel consuetudine aliqua resultante, seu etiam enormis, enormissimae, & totalis laesionis, aut quocunq; alio colore, etiam in corpore Juris clauso seu occasione, vel causa etiam quantumvis iusta, rationabili & privilegiata, etiam tali, quae ad effectum validitatis praemissorum necessario exprimenda foret, aut quod de voluntate nostra huiusmodi & aliis superius expressis, seu relatis, nihil alibi appareret, seu aliter probari posset, notari, impugnari, inuvalidari, retractari, in Jus vel controuersiam reuocari, aut ad terminos Juris & reduci, vel aduersus illos restitutiones in integrum aperitionis oris, reductionis ad viam, & Terminos Juris, aut aliud quocunq; Juris, facti gratiae, vel Justitiae, remedium impetrari, seu quomodolibet concedi, aut impetrato, vel concessio quempiam vti, seu iuuari in Judicio, vel extra posse, neque ipsas praesentes sub quibusvis similibus vel dissimilibus gratiarum, reuocationibus, suspensionibus, limitationibus, aut aliis contrariis dispositionibus pro tempore quomodolibet faciendi, comprehendi, sed semper
ab illis

ab illis exceptas, perpetuoq; validas, firmas & efficaces existere, & fore; suosq; plenarios, & integros effectus sortiri, & obinere, ac per omnes & singulos, ad quos spectat, & quomodolibet spectabit, in futurum inuiolabiliter obseruari, sicq; & non aliter in præmissis omnibus & singulis per quoscunq; Iudices, ordinarios & delegatos, etiam Caesarum Palatii Apostolici Auditores, & S. R. E. Cardinales, etiam de latere Legatos & Nuncios, aut aliàs quavis Autoritate, & potestate fungentes in quavis causâ, & Instantia, sublata eis & eorum cuilibet, quavis aliter iudicandi, & interpretandi facultate, & Auctoritate, vbique iudicari, & definiri debere, irritum quoq; , & inane, si secus super his à quoquam quavis Auctoritate scienter vel ignoranter contigerit attentari. Quocirca Venerabilibus Fratribus, ac dilectis Filiis nostris & Apostolicæ Sedis Nunciis, nec non Patriarchis, Primatibus, Archiepiscopis, Episcopis, & aliis locorum ordinariis, vbilibet existentibus, per Apostolica sergita mandamus, vt statim atq; præsentis nostræ litteræ, ad eorum, & cuiuslibet eorum notitiam, quo quomodo peruenerit, illas solemniter publicent, & publicari faciant, ac in eis contenta quæcunq; debitæ executioni demandent, & demandari procurent, per se vel alium, seu alios prout in Domino iudicauerint expediri. Contra dictores quoslibet & Rebelles ac præmissis non parentes, per sententias, Censuras, & pœnas Ecclesiasticas, aliãq; oportuna Juris, & facti remedia, omni & quacunq; appellatione, recursu, & reclamatione remotis compescendo, inuocato etiam ad hoc, si opus fuerit, auxilio brachij sæcularis. Non obstantibus, quatenus opus sit recolendæ memoriæ, Bonifacij Papæ VIII. etiam prædecessoris nostri, de vna & in concilio generali edita de duobus dictis cæterisq; in contrarium facientibus quibuscunq;. Vt autem præsentis, & in eis contenta quæcunque, ad omnium notitiam deducantur, & ne aliquis de eius ignorantia prætereundere possit, volumus pariter & mandamus, quod eadem præsentis, per aliquem, seu aliquos ex verforibus nostris ad Ecclesiæ Lateran. & Basilicæ Principis Apostolorum de Vrbe, nec non Cancellariæ Apostolicæ valuas, ac in acie campi Floræ affigantur, & publicentur, & cum inde amouebuntur eorum Exempla in eisdem locis affixa dimittantur, quæ sic publicatæ & affixæ post duos menses à die publicationis computandos, omnes & singulos quos concernunt, perinde afficiant, & arctent, ac si vnicuiq; illorum personaliter notificatæ & intimatæ fuissent, quodq; e illarum transumptis impressis Sigillo alicuius Personæ in dignitate Ecclesiasticâ constitutæ munitis, & manualicuius Notarij publici subscriptis eadem prorsus fides adhibeatur, quæ præ-

sentibus

sentibus adhiberetur, si forent exhibitæ vel ostensæ. Nulli ergo omnino hominum liceat hanc paginam nostræ suppressionis, extinctionis, subiectionis, ablationis, deletionis, abrogationis, liberationis, præcepti, declarationum, decretorum, priuationis, amotionis, absolutionis, permissionis, impartitionis, monitionis, hortationis, voluntatum & mandatorum infringere, vel ei ausu temerario contraire. Siquis autem hoc attentare præsumpserit, Indignationem Omnipotentis DEI, & Beatorum Petri & Pauli Apostolorum eius se nouerit incursum. Datum Romæ apud S. Petrum. Anno Incarnationis M. DC. XXXI. Idibus Ianuarij. Pontif. nostri octauo.

Eg. Dat. A. Rondininus.

*Visa de Curia A. Hurandus.
G. Montanus, &c.*

MAGISTRATA IN SECRETARIA Breuium.

IN DEI nomine, Amen. Anno à Natiuitate Domini nostri Iesu Christi 1631. die vero 21. Mensis Maij, Indictione 14. Pontificatus autem Sanctissimi in Christo Patris, & Domini Urbani, diuina providentia Papa Octauj Anno eius octauo.

Supra dictæ litteræ Apostolicæ publicatæ & affixæ fuerunt ac dimissis copijs ad Basilicas SS. Ioannis Lateranens. nec non Principis Apostolorum urbis, & in Cancellaria Apostolica in acie campi floræ, &c.

Matthias Spada M. Cursorum.

1077

M.C.

012

Mula
en

polonica

2V

is: Non est

Ex Jy

